



TTiPi - TTAPA

1.988ko URRIA

25. zenb.




NON-ZER

BERRIAK

- 2.- Bera
- 4.- Lesaka
- 6.- Etxalar
- 8.- Igantzi
- 9.- Arantza
- 10.-Malda-Erreka
- 12.-Ituren
- 13.-Goizueta
- 14.- Zugarramurdi

GAIK, ARTIKULUAK, ...

- 16.-Euskaldun izatea gure euskaldean
edo que te parta un rayo.
- 18.-Udal gestioaren egoera.
- 20.-Geurea dena guretzat.
- 22.-Baztandarren biltzarra.
- 24.-Baztani buruz zertxobait gehiago.
- 27.-Ai Ene!!
- 30.-Etxebizitza kartzela ote?
- 32.-Ikastolak itxi?
- 35.-Behin batean.
- 36.-Ekin euskarari.
- 37.-Horrelakoak bagenekizkien.
- 38.-Potrokilo komikia.
- 40.-Nafarroa oinez-88.





Zalaingo biztanleek ez dute etxe ondoan erreperiderik nahi.

BARIANTEKO OBRAK HASI DITUZTE

Bazen garaia eta badirudi bariantea eginen dutela. Berako herriak atseden ederra nabarituko du irekitzen dutenean, bere kaleetatik zehar pasatzen ziren kamioitza horiek handik ibiliko bait dira.

Dena dela barianteak igaro behar duen lekuetan ere izan dira arazoak, zeren horrelako proiektu batek beti sortzen bait ditu eragozpenak, ingurugiro aldetik etab.

Gainera kasu honetan bi auzoren ia erditik pasatzen da, Alkaia eta Zalaingoa hain zuzen ere.

Zalain auzoko biztanleak izan dira borroka haundiena eraman dutenak, VERKOL lantegiak errekurtsio bat aurkeztu bait zuen Diputazioan, barianteak bere terrenoa kentzen ziola argudiatuz. Diputazioak hasieran onartu egin zuen errekurtsio hau baina horrek bariantea auzoaren

ondo-ondotik igarotzea suposatzen zuen. Orduan auzotarrak mugitzen hasi ziren, ekintza ugari burutu eta Diputaziora eta bertze leku aunitzetara buelta franko egin dute.

Azkenean badirudi konponbide batera iritsi direla eta VERKOLEk amore eman behar izan duela, bidezkoa denez, etxebizitza bat ez bait daiteke konparatu lantegi batekin duen lur zati batekin.

HOTEL ZAHARRA

Denok ezagutuko dugu "kruzero" ondoan dagoen etxe haundi bat, aspaldidanik hutsik dagoena. Nahiz eta lehen "Hotel Larhun" bezala ezagutu dugun, orain etxebizitzak, dendak eta lurrazpiko garajeak egiteko asmoa dago. Etxe inguruan zegoen zakarra eta larra garbitu dute eta teilatua konpontzen ari dira. Aipagarria da atentzio haundia piztu duela aldaketa honek, egunero ikus bait dezakegu jende ugari lanean nola ari diren begi-

ra.

LOURDESERA BIDAIA

Urtero bezala, aurten ere Lourdesera bidaia antolatu zen jendeari hilabeteetan. Baita jende aunitz bat ere joan eta harat ailegatu ondoren, dendetan ze biltzala, Bera zazpi lagun kartera ebatsi zituzten, dokumentazio eta guzti. Baita ohartu zen eta poliziengana joan zen parte ematera, baina gainontzekoak mugara ailegatu arte ziren deusetaz konturatu. Batzuetan gutti omen zuten baina bertze batzuetan berriz, diru frango zeramatzen eta ziuraski ez zaiote itzultzeko gogo handirik gelditu izanen...

BESTAK

Aurten ere joan zaizkigu herriko bestak, eta egia erran, sei egunetan motz xamarrek gelditu zaizkigu. Baita ia ohartu gabetenik pasatu bait dira. Ohizko egitarauaz gain (dantza) tzariak, miattuk, dantzaldia

Hala ere, aditu dugu zenbait jende kexati xamar dabilela, hel-duendako gauza haundirik ez dagoela eta...

Eta erdal erraera zaharrak dioen bezala, (hau da, "ez dago bigarrenik hirugarrena gabeturik"), aipatu beharko, Ilekuea auzo xarmagarriaren bestak. Bertzetan bezalaxe, hemen ere jokoak, dantzariak, herri bazkaria eta azkenik dantzaldia Aritza eta Gaubela taldeekin. Eta hauekin akitutzat ematen dugu besten kronika...

Eta bestaondoa pasa berria genuenean, ailegatu zitzaizkigun Agerra auzoko bestak ere. Txarangak, haur jokoak, harpana, apostua, haurren danborrada eta azkenik jende ugari bildu zen dantzaldian Aritza taldearekin.



Heldu den urtetik aintzina Berako herriko bestetan udaletxeko balkoietan ikurriña eta herriko bandera bertzerik ez da jarriko. Hau da abuztuaren 11an egindako sesio berezian hartutako erabakia.

Teniente alkatea den Josu Goiak presiditu zuen sesioa, Iriarte alkatea (Indp) falta bait zen bertze hiru zinegotzi bezala: Etxebeste (Indp.) Telletxea (HB) eta Agerri (EA). Bi banderak bakarrik agertzeko

Erabaki honek harritu egin gaitu, bestak baino lehentxeago proposamen berbera aurkeztu eta ezezkoa gaiendu bait zen, hau da, aurtien behinik behin lau banderak jarri dizkigute eta heldu den urteko bestak lekutan daude oraindik...

Aintzínako TTIIPI-TTAPAREN alean, baserrietako karta-banatzaille bezala Rosa Gallego aukeratua izan zela erraten genuen albiste modura. Baita ere, lan honetarako erdaldun bat aukeratzea salatzen genuen. Baina badirudi gure erran nahia ez zela ongi ulertu, zenbait kexa jaso bait ditugu. Gure salaketa ez zoaien Rosaren aurka (eta barka gaitzala kalterik sortarazi baldin badiogu) Correosen aurka baizik, honelako gertaerak garbi azaltzen bait dute gure hizkuntza eta herriarekiko axolagabekeria Correosko Zuzendaritzaren aldetik.



ТТИРi-ТТАРА

LESAKA

BETI-GAZTE FEMENINOA

Bai, egia da. Horrenbertze zurrumurruren ondotik, futbol talde femeninoa sortu zen iaz Lesakan. Hemen duzue, pixka bat, talde honen historia, bere pausoak eta etorkizunerako asmoak.

Lesakako neska futboltzale batzuk, mila aldiz eztabaidatu ondotik, futbol talde bat sortzea erabaki zuten, baina ez talde normala edo tradizionala, femeninoa baizik. Asmo honekin proposatu zioten "Beti-Gazte"ko zuzendaritzari bere babesean osatzea ekipoa. Baiezkoa jaso zuten baina honako baldintza hauek bete behar izan zituzten:

-Entrenatzailea bilatzea.

-Falta ziren jokalariai aurkitzea.

Hori zela eta, Jesus Senosiain hartu zuten entrenatzaile bezala.

Hurrengo pausoa taldea legalizatzea, hau da, federatzea izan zen.

Hau dena egin ondotik, 1987-1988ko GIPUZKOAKO KOPA jokatu zuten, eta aurtan 1988-1989ko GIPUZKOAKO LIGA jokatzaren ari dira.

Erran beharra dago, bertze aldetik, Nafarroan futbol talde femeninoa bakarra dela, federatua behinik behin.

OIARTZUN eta AÑORGAKO ekipoak hoberenetakoak direlarik, horien kontra jokatu eta irabazten saiatzen dira gure "neska gerlari" hauek.

Gipuzkoa aldera egiten dituzten ateraldiak (ia ia astero), kotxez egiten dituzte, koste honen dirua ordainduta dutelarik.

Asteazkenetan eta ortziraletan. Beraz, norbait animatzekotan, hortxe du aukera ederra.

Beno, bertzerik gabe, hemendik animatzen zaituztegu.

SUERTEA IZAN ETA AINTZINERA BETI!!

AUPA NESKAK !!



Ezin esango dugu AEK-koak beti bulegoan edo klasean sartuta egoten direnik.

ROCK TALDE BERRIAK LESAKAN

Dakizuen bezala, bi musika talde berri sortu dira azken urte honetan. Hauexek dira beren izenak: IDRISEKO AULKIA eta KANKA. Oraingoan, lehendabiziko taldearekin sartuko gara, bere historiari zerbait jakiteko.

Lau lagun dira talde hau osatzen dutenak:

KAPI, ahotsa.

ETXARTE, kitarra.

BANTXI, bateria.

IXIDRO, baxua eta ahotsa.

Orain dela urte bat gutti gora behera hasi ziren. Hasiera batean lokalik gabe ibili ziren, lagun baten borda batean entsaiatzen. Bidezko arrazoiengatik, orain BETI-GAZTEko lokala erabiltzeko baimena eskatu dute, erantzunaren zai direlarik.

Aurtan "PRINCIPE DE VIANA"-k antolatzen duen lehiaketa batera aurkeztu zuten beren lana. Horretarako maketa bat grabatu behar izan zuten bi abestirekin: "ASTE-LEHENA BERRIZ" izena duena eta bertze bat izengabekoa. Grabaketa hau, ORION musika estudioan egin zuten, Diputazioak ordainduta, noski.

Egun hauetan emanen dute irabazleen zerrenda, zeren 37 talde aurkeztu bait ziren, eta 10 lehenbizikoaren artean gelditzea espero dute.

Beren lehen kontzertua John Lennonen eskeini zuten, orain arteko bakarra baina ez azkenekoa, KANKA eta ZENZERROK taldeekin batera kontzertu bat eskeintzeko asmoa bait dute orain. Aintzineraren begira, toki guzietara joatea espero dute.

Bertze aldetik, erran dezaket musika hagitz polita dela, ez da preziki rock, hagitz estilo pertsonala dute. Aukera baldin baduzue, entzun ezazue, gustatuko zaitzue eta.

Erran beharra dago baita ere, abesti guztiak euskaraz eginak direla, eta modu honetan egiten segitu nahi dutela.

AEK-ren UDA IKASTAROAK

Aurtan ere, aintzineko urteetan bezalaxe, Bortziriak eta Malaerre-kako AEK-koek bertze eskualde eta zentro batzuekin batera udan euskaraz ikasteko eskeintza ezin hobea eman zuten eta aukera horietako

zenbait Bortzirietan bertan kokatu ziren.

Lesakan Uztailan eta Abuztuan 60na ikasle egon ziren "Irain" eskoletan eta Beran berriz, Lanbide Eskolak duen erresidentzian bertze 40 lagun elkartu ziren Abuztuan beren hizkuntza maila hobetzeko asmotan.

Giro ezin hobea izan genuen herri hauetan eta aipatu behar ikasleek herrikoekin erlazionatzeko jartzen zuten gogoia, nahiz eta toki arrotza izateagatik zaila gertatu.

Horrela bada, bai Beran eta bai Lesakan, antzerkia, jokoak etab. luze bat

ikusit ahal izan genituen, udako giroa piska bat alaituz, beti herriko jendeak alde egiten baitu oporretan eta herria nahiko triste gelditzen baita.

Aurrerantzean ere herri hauetan beharko dugu euskara ikasteko eta kontzientzia piska bat sortzeko gisa honetako ikastaro eta ekintzen beharra.

Gure herriek eskertuko dute.

ERREKA ERREA

Joan den abuztuaren 5ean, ikusi genuen, berriro, gure erreka erasotua. Behin eta berriro, amaierarik gabeko istorioa errepikatzen da: oraingoan ere erre egin ziguten. Zeinek eta zergatik egin zuen, aski garbi daukagu, baina lortu zutenaren penagarria izan zen. Erreka bazterrak amurraiez beteak agertu ziren, hilik noski. Eta ez hori bakarrik, baita landare eta pizti guztiak ere.

"Laminaciones de Lesaka" izeneko fabrikari, PLANTA 600ean hain zuzen ere, produkto toxikoak erabiltzen dituzte, errate baterako: azido hidraulikoa, azido sulfurikoa, zianuroa zink etabar...

Produkto horiek hortik bi depositotara pasatzen dira. Eta non dago arazoa? Ba, deposito horietatik erreka joaten direla zuzen zuzenean. Teorian, fabrikako bertze deposito guzietatik bezala, produkto horiek hodi batzuen bidez depuradorara bidali behar zituzten, baina jakina, modu errezena, mer-

keena alegia, erreka botatzea da. Gainera, ondoan daukate, nola uko egin aukera eder horri?

Bertze aldetik, erran beharra dago, jarri zuten depuradora hagitz ttikia dela edo ttikia gertatzen dela, ez duela nahiko kapazidade.

Adibide gisa, emanen dizkizuet abuztuaren 5ean neurtu ziren ZINK portzentaiak:

Deposito batean: 500 mgr/l

Bigarrenean: 740 mgr/l

Eta legeak onartzen duena:

Urteko batezbertzekoa: 50 mgr/l.

Egunerokoa: 5 mgr/l.

Beraz, ez dago deus erratekorik Historia pixka bat ikusteko, ikus-puntu orokor batetik, hemen duzue eskema ttiki bat.

Ez, multak edo isunak ez dira egiten diren kalteen neurrikoak.

Eta zerbait egin al dezakegu arazo honen aintzinean? Bai, salatu eta salatu, konponbide bat harrrapatu arte. Egia erran, hori izan da orain arte presionatzeko bide bakarra, jendeak egindako salaketak, lege aldetik ez baita irtenbiderik, nahiz Udalak nahiz Diputazioak ez dutelako sobera jarri beren aldetik. Ez dira saiatu ere egin. Zergatik? Beharbada ez zaie interesatzen, nork daki ... Aski ongi adierazi digute (bertzela begiratu eskema), ez dutela pezetarik gastatuko arazoa konpontzen. Orduan ez dago zalantzarik: erreka doazen hodi horiek moztea da soluzio bakarra. Eta noski, hori da eskatzen duguna. Gezurra dirudi, baina "Europako ingurugiroaren urteak" ez digu aldaketarik ekarri.

ISURKETA TOXIKOAK ERREKARA

URTEA	NOIZ	ISUNA <i>pzta</i>	INDEMNIZAZIOA
1975	MAIATZA	1.500	—
	UZTAILA	1.500	—
1976	URTARRILA	10.000	—
1978	ABUZTUA	1.000	—
	AZAROA	275.050	
1.980	EKAINAK 13	10.000	28.000
	EKAINAK 17	10.000	4.200
	EKAINAK 18	10.000	4.900
	ABUZTUA	10.000	1.400
	IRAILA	10.000	8.500
1.988	MARTXOAK 3	10.000	—
	MARTXOAK 19	6.000	—
	EKAINA	10.000	—
	UZTAILA	8.000	1.600
1.982	ABUZTUA	10.000	163.000
1.985	ABENDUA	INFORMAZIOARIK GABE	
1.986	UZTAILA	INFORMAZIOARIK GABE	
1.988	ABUZTUAK 5	INFORMAZIOARIK GABE ORAINDIK	

* Erreka berriz amurraiez ornitu.



Etxalarkoa eta ikurriña izan ziren aurtengo bestetako bandera ofizialak. Iluntzean, Guardia-Civilek "eraman" zituzten.

FRONTOIA BERRITU ETA ESTALTZEKO PROJEKTUA

Hauxe dugu bertze zenbaiten artean, Udalak, azken hilabeteotan hartu duen erabakia. Argitu behar da lehenik, erabakia hartu aintzinetik zenbait bilera burutu zirela gai hau aztertzeke. Bilera horietan, Udalak, proiektuaren inguruko zenbait zehaztasun ezagutzera eman zien herritarrei; zenbat kostako den, estaltzeko erabiliko diren materialeak, plazaren antolaketa berria eta azkenik, frontoiaren estaltzeak, plaza inguruaren itxura estetikoan izanen duen eragina. Azken puntu honek sortu zituen eztabaidarik bizienak. Projektua definitiboki erredaktatu gabe bada ere, eztabaidarako lagungarri izan ziren, behin estali eta gero, plaza inguruak hartuko duen itxura erakusten zuten planoak.

Eztabaidetan era guztietako eritziak agertu baziren ere, gehienbat, konforme zegoen proiektuaren azalpenarekin. Sakonki aztertu zen bertzalde, eskola berriekin batera egin gogo den Frontoi estaliari buruzko azalpena. Jakitera eman zenez, denbora laburrean behintzat, ez dago honetarako subentziorik lortzeko posibilitaterik eta zoritxarrez, ez dugu eskola berriekin batera frontoi berria ere ikusterik izanen.

Azkenik eta bileretan, parte hartu ez zuten herritarrek ere bere eritzia ager zezaten, Udalak, proiektuaren garrantziagatik, planoak ikusi nahi zituztenek, hilabete batez Herriko Etxearen sesio-aretoan ikus zitzaketeela adieraziz, bandoa bota zuen.

Aipatu bukatzeko, proiektuaren kostea 27 milioi inguruan ibiliko dela, §70a Nafarroako Gobernuak ordainduko duela eta falta dena. Etxalarko Udalak.

ESKOLETAN IKASTURTE BERRIA

Eta hau dela eta, itxaropen berriak eta baita kezka berriak ere. Gure Herriaren kulturen eta gure haurren kulturen pentsatzen gaude. Eta euskal kultura hori bizi dadin eta gure haurrak berataz jabetu daitezen, eskolak zeregin berezia duenez, eskola hau bera gertatzen zaigu esperantza berriaren eta kezka berrien iturri. Esperantza iturri, bai, ikastoletan ez ezik, bertze ikastetxe hauetan ere euskararen nortasuna nabaritzen eta ezagutzen ari baita. Baina neke eta samintasunezko bide luzea jasanez.

Aurten, Etxalarren, euskarazko irakaskuntza 3. mailaraino ailegatzten da. Bortzirietako eskolatarak hurbiltzen joanen gara, agian. Euskararen lasterketa horretan, gure herriko eskolak azken postuan bait daude. Eta "agian" erran dugu. Etorkizuna ez bait dago sobera argi. Bada guraso, bere herri kulturaren kontzietziarik aski ez duenik. Eta badira irakasleak, nahiz euskarara ikasten aritu, gure herri hizkuntza estimatzen eta maitatzen ez dutenak. Eta eskolako ikasketetan baztertutik eta funtsik gabekotzat daukatenak. Eta hori aski ez, horrelako irakas-

leak, behin baino gehiagotan, euskarari bota dio haurrak aski ez ikasiaren kulpak. Ez ote liteke izan hori, behar bada, berak lan guti eginaren edota ez ongi erakutsiaren estal-bide?

Ostartezko geroa ageri zaigu begi aintzinean: argiak eta goibelak gurutzatutako etorkizuna. Baikor izan nahi dugu. Eta irakasleak gaur egun "Herri eskola"z izendatzen duten ikastetxea, egiazki hala bihur dadin. Herri hizkuntza eta herri kultura serioski onartzen ez duen eskolari ezin baitzaio "Herri eskola" deitu.

HERRIKO PUZKERRAK

Lehenago batean kontatzen zuen txori batek, ez dagoela usain oneko buzkerrik. Eta isila bainan usain haundia izan duen bat kontatu zigun berehalaxe.

Usnatzaileak, txoriak alegia, karrikan, Herriko Etxe inguruan hartu omen zion arrastua. Usaitu zuenez, aintzinako aiuntamentuan egondako bat omen da honen erantzule eta erruduna. Usnatzailearen sudur edo piko txit zorrotzak dioenez, usaiaren intzidentzia, benetan kirastua izan arren, ez omen da sobera hedatu.

Eta buzker honen berri izan nahi duenentzat, hemendik, herriko buzkerrentzat gordetako txoko honetatik, usnatzaileak, kontu haundiz, bere garaian bote batetan sartu zituen kiratsaren azken pixarrak eskeiniko dizkizuegu. Beraz, kontuz sudurrekin eta on dagizuela. Horratx hor, txori-piko-luze horrek usaitutakoa:

"Sunbillako errekan, extranjero kotxe bat omen zegoen akzidentaturik eta dirudienez, oraindik bokado polita zuena. Aipatutako kontzejal ohiak, bere etxean moldatzen utzia zen Udalaren Land-Roverra hartu eta, hor joan omen zen asteburuko laino eta iluntasunean gorderik, akzidentatuta zegoen kotxea "lekuz-aldatzerat".

Kontu haundiz egin beharreko gauza zenez lan hori, Udalaren Land-Roverraz baliatuz egitea hobe zela pentsatuko zukeen.

Bainan nonbait aldi honetan, suertea ez zegoen bere alde eta norbaitek ikusi egin zuen, akzidentatutako kotxea Udalaren Land-Roverran eramaiten.

Hariari edo agian usaiari jarraituz, auskalo, Trafikoko Guardia Civilek argitu omen zuten afera; ustegabeen kakazturik utziaz, usai txarreko buzkerrik botatzen ez zuen kontzejal ohia"



Herriko dantzarien saioak ikusle aunitz bildu zuen.

IGANTZI

HERRITARREKIN BILERA HERRIKO ETXEAN.

Abuztuaren ondar aldera, alkateak, herritar jendea bilduarazi zuen Herriko Etxera. Bazuen, bai alajainkoa, gauza batzu argi uzteko gogoia. Nola ez, hagitz gaizki mintzatu izan baita alkateak herri honetan (gutti aski da eta norbait ez gaizki mintzatzeko eta guk nahi duguna ez badu egiten areago).

Arazoa "komunal lurra" zen. Buroko min frango dakarkio bai He-

rriko Etxeari eta ez erran ezagutzen dugun herritar batzuri. Azken hauetako ez bait zaie inondik ere sartzen irazelaiak komunalak direla erregistroan pasatuz gero partikularrak direla uste dute. Hauetako dira alaiokosan, ea zergatik komunalak Nafarroan bakarrik diren, zergatik Espainia guzian ez eta hemen bai, eta zergatik ez den behingotik asuntu hori moldatzen komunalak partikularrak bihurtuz. Nork erantzunen lieke hauetako, nork erranen lieke Nafarroaz harro izan

behar badugu, komunalak ditugulako delako. Komunalak zaharrak direla eta, hizkuntzak bezala, Nafarroari gure berezitasuna ematen digula. Dena den, ez da ikusten ez euskararen balioa, ez komunalena, ez...

Alkateak, gauzak nola dauden eta Diputazioak zer agintzen duen ederki adierazi zuen.

Ageri da gutti jakinez, sobera mintzatzen dela jendea eta zoritxarrez, sobera gaizki.



Igantziko herria.

ARANTZA

UDALAREN PLANAK.-

Udalak hiru urtetako obren
plana egin du eta Diputazioari
aurkeztu dio.

Plan honetan auzoetako pistak enbreatzea, saneamendua, uraren garraioa eta pabimentazioa sartzzen dira.

Udalekoek, plan hau egiteko auzotakoekin bilerak egin zituzten, batez ere pistak enbreatzeari buruz kontsultatzeke, eta auzo gehienak, bat ez gainerakoak, eskaera egiteko aldekoak ziren. Plan honetan, herrian datozen urteetarako ikusten diren betebeharrekoak sartu dira, baina hau gauzatzeko Diputazioaren ongi-ikusia behar da, horrela berak ematen dituen diru laguntzen bidez lanari ekiteko.

UDALAKO BERTZE BERRI BATZUK.-

Herriko festak zirela eta
Udalak banderei buruz hartutako
erabakia errekurritu egin du
estatutuaren abokatuak.

Udalak administratibo laguntzaileari berriztatu egin dio lan kontratua.

Bertzalde, udalak, INEMen laguntzaz kontrataturik zeuden bi gazteei, Abuztuaren amaieran bukatu zitzaien kontratua. Heuren lana, zubiak, kaleak eta abar moldatzea izan da.

EHIZA ETA EHIZTARIAK.-

Urria gainean duqula eta



Inguru honetako hegaztiak gorria daukate ondorengo hilabete hauetan.

Beraz, laister hasiko gara gerran bagina bezala, tiro artean egunak igarotzen.

Guk gure aldetik hiltzea
galerazita dauden txoritxoak
errespetatzea eta mendiak gar-
biak uztea eskatuko genieke.
Ez dela gehiegi eskatzea uste
dugu.

Hasia da dagoeneko ehiztarien arteko girotxoa. Edozein tabernetan eta txokoetan amagin bat gauza entzuten dira.

Aurten gainera oso itxaropentsu azaltzen dira, izan ere, uda txarra egin duenez udazkena ona egingo duela diote eta horrela uso pila hilko dituztela-koan daude.

$\frac{7}{8} \times \frac{9}{10}, \frac{6}{7} \times \frac{8}{9}$

nen zaizkiola. Baita gurasoei zenbait aholku edo eta ideia eman haur horiek osasuntsu izan eta hazitzeko.

Horrela, haur bat jaio eta Residentzitik etorri bezain agudo, erizainari abisatu behar zaio, erizainak haur hori bere etxean ikusteko. Ondoren 15 egunetara eta aurrez zitatuz pediattrak ikusiko du. Hemendik aurrera txandakako ikustaldiak egingen zaizkio batean Osasun Zentroan pediattrak ikusiz eta bestean herriko mediku eta erizainak.

ZELADOREA.-

Osasun zentroko langileen artean, lanpostu hau ere baze- goen; irailako hilabetea oku- patua izan delarik. Lan postu hau iaz egindako oposizioen bidez lortua izan du Elgorriar batek.

ERIZAIN BAT GEHIAGO.-

Pediatra, zeladorea eta... erizain bat ere bai. Erizain bat gehiago beraz osasun talde honetan. Bere lana banatua izanen da egun batzuz Ezkurra eta Erasunen arituz eta beste batzuek Osasun Zentroan.

DONEZTEBEKO MATADEROA.-

Mataderoan hiltzen diren ha- zienden ondarrak Bidasoa ibaira botatzen dira eta ondorioz ibaia kutsatuz eta inguruak usai txarrez eta arratoiez be- te. Arazo larria da gaur gero, batez ere jakinen gainean ego- nik horrelako ondarrak sor de- zaketen kalteak handiak direla eta areago oraindik hazienda horiek eriak zirelako hilik izan badira, edo hil beharra izan.

Arazoa aspaldikoa da, ze ... ba al daki norbaitek zertan gelditu den FOSA kontua? Bai fosa bat egin behar zen hazien- da hilen ondar horiek botatzeko eta bertan kisuz estalduz dese- giteko. Fosa hori eginez gero Diputazioak ordainduko zuen gastua baina Udalak lekua para- tu behar zuen. Nonbait Udalak bilatu duen lekua herritik aparte dago eta bidea egitea 6.000.000 kostatuko litzaioke eta hor dago dena "STOP" ba- tean. Hau da, ez doala aurrera, inork ez bait du Udalean aipa- tzen FOSA egitearen konturik.

Kalean berriz, harakinek ba- tetik lotsatuta horrelako zerrikeriak egitera behartuta daudelako, eta Sunbillako presa garbitu behar duena berriz na- zkatuta. Eta, Bidasoa ibaia berriz, mantxo mantxoan hil zorian sartzen.



Maldaerrekako osasun zentrua.



Hirugarren adinekoen festa eguna (1988)

EUSKAL TELEBISTA

Aurtizen orain dela sei hila-
betetik honata E.T.B. ikusten
da, Elizaren hilerrian antena
jarri zuten, eta ederki ikusten
dela esan behar.

ESKOLA BERRIAK

Iturenen eskola berriak egin
behar dituzte, urrian hasiko
dira lanak eta abenduan bukatu-
ko, Nafarroako Gobernuak
16.963.772 miloi eman ditu,
baina Udaletxea, Herriko Osta-
tuaren etxebizitza eta dena
21.225.029 pezetara igoko
da. Gainerakoa urtarrilean
emango du Gobernuak. Orain es-
kolak beste leku batzuetan dau-
de, Eskolaurrea, 1. maila eta
2. elitxean egiten da, 3., 4.
eta 5. mailak lehengo mutikoen
eskolan ematen ari dira.

KURTSILOAK

Egia da, kurtsilo batzu ema-
nen dira Iturenen, sukalde eta
inbernadoreena. Jende ugari
apuntatu da kurtsilu hauetara,
bat EPAkoa eta bestea INEMekoa
da eta hau urriaren 7an hasiko
da, EPAkoa oraindik ez da hasi-
ko.

HIRIGINTZA

Maiatza, Ekaina eta Uztailean
langabezian dauden batzuk egin
dute lana herrian, udaletxearen
lanetan hain zuzen ere; lanak
hauek izan dira: haurren esko-
laren moldaketa, enparantzako
fokuak eta harategia izanzen
den moldakuntza.

Gobernuari, zenbait eskakun-
tza egin zaizkio. Batetik,
arategi subsidiarioarendako,
bestetik lau urtero egiten den
bideentzako, urentzako, etab.
plangintzarako.

Auzolanak: Lan asko egin
da auzolanetan, batez ere Uda-
letxe bertan.

JOALDUNAREN EGUNA

Urriaren 1ean egingo da Joal-
dunaren eguna, ohitura den be-
zala orain dela urte batzuetat-
tik honetara, beraz egun hone-
tan ere farra ederra egingen
dugu.

AURTIZKO JAIK

Azaroan ospatuko dira San
Martin de Toruseri eskeintzen
zaizkion jaiak Aurtizen.

Giro onarekin hasi ziren bes-
tak ostiralean suziriarekin,
gero herriko txistulari eta
akordiolarien kalejira eta
gauean musika.

Larunbatean pilota partiduak,
txirrindularien itzulua, jinka-
na eta Gau-Pasa. Igandean, Iku-
rriñaren eguna izan zen eta
ekitaldi hauek izan ziren: 12-
tan Lesakako bandaren ekital-
dia, arratsaldean Leitzako dan-
tzatiek dantzak eskeini ziz-
kiguten eta gauean musika, Ari-
tza lesakar taldearekin; eta
azkeneko egunean herri kirolak,
bazkari herrikoia, gauean musi-
ka eta 4etan Jai-Hilak.

Beraz, bestak gustu guztietat-
ko, gazte eta ez hain gazteen-
tzat.

OSASUNA

Kontenedoreak jarri dituzte
auzo guztietan; denetara 15
kontenedore dira. Hauek honda-
kinen kamioi batek bilduko ditu
astelehen eta ostiraletan.

Uraren analisi bat ere egin
da eta Nafarroako Gobernuari
eskaera bat egingen zaio hiru
auzoen hornikuntzarako.

MENDIAK

Mendiak markatu egingo dira
herriaren probetxurako. Mendiak
hauek izanen dira: Mirukabi,
Ontzaleku eta Sorano.

800.000 mila pezeta gutxigo-
rabehera eman ditu Nafarroko
Gobernuak Elkarrikoa eta Aba-
txakaren egin diren landakun-
tzengatik.

Urte honetan ekainaren 17an
egin zen bileran komunalen or-
denantzak aprobatu egin ziren,
hemendik aurrera hauek aginduko
dute denenak diren mendietan.

Orain Elkarrikoan hasi dira
garbitzen gero landaketa egite-
ko.

Ibarlan dauden herriko bi
terrenu garbitu eta han haztegi
bat jarri dute.

GOIZUETA

▲ Aurtengo udaran ere, AEKkoek Goizuetan, bi ikastaro antolatu zituzten, bat uztaillean eta bestea abuztuan. Giro ederra eskeini zizkuten herritar guztiei.

Jokoak antolatu zituzten: mus txapelketa, bingoa... nahi zuen guztiak parte hartzea bazekukan.

Txokolatea bizkotxuekin banatu
ziguten herriko enparantzan.

Herriko berriak azaltzen zituena bilduma bat ere argitaratu zuten.

▲ Abuztuaren 13tik 20ra bitarte, herriko festak ospatu genituen. Umeen joko, akordeoi eta piano kontzertuen soinu ederrekin hasi eta herri kirol, bertsolari, trikitrixa, Etxamendi eta Larralderen abesti goxo eta sakonekin eman genien amaiera. Oso giro ona izan zen egun guztietan, inguruko jendeak ere bere bisita egin zigun, nahiz eta aurretik ohartaraziak honara etortzeko baldintza batzuk bete beharrrak zeudela. Ikusi dugu ez ziotela jaramonik egin. Eskerrikasko.

▲ Joan den ekainaren 10ean Iruñako Gaiarre antzokian. O.H.O. eskola eta ikastoletako umeen artean bertsolari txapelketa bat antolatu zuten Nafarroako Bertsolari eskolakoek. Lesaka, Bera, Elizondo, Etxarri Aranatz, Iruñako San Fermin ikastola, eta Goizueta-ko neska-mutilek parte hartu zutelarik.

Irabazle, Goizuetako Jon Esku-
dero Zugarramurdi 7garren mailako
mutila izan zen.

Oinak jarri eta honelako bi
bertso hauek bota zituen:

Goizuetatik (e)torri ga(ra)
gu denok kantari.
Hemen bildu gerade
jendea ugari.
Guk nahi genduke izan
gero bertsolari.
Bidean gala behintzat
ez al da nabari.

Oparitu didate
ederra lorea.
Zoragarria zeukan
bere kolorea.
Asko ikusi ditut
hori zan hobea.
Oparitu didana
bai zan dotorea.

Zorionak Jon! Horrela jarrai!



BESTAK

Pasatu ziren herriko bestak ere. Aunitz tokitan bezala, Zugarramur-
din, Abuztuaren 15ean ospatzen
ditugu, bainan hori ez da aitzakia
izan aurren erraiteko moduan 13an
hasteko bestak, aprobetxatuz la-
runbata zela egun horretan; hala
ere 18a arte iraun dute, egun ho-
rretan urteroko zikiro-jatea egi-
ten dugulako.

Eta 6 egun hauetan ez da deus
espezialik gertatu. Pittat gora-
behera urtero bezala izan dugu
programa eta jendea ere herrita-
rretik kanpo, gutti; pentsatu be-
har da inguruan herri aunitzetan
bestak direla: Amaiur, Oronotz,
Etxalar, Arantza, eta baita ere
bertze aldean hurbil: Ainhoa, Az-
kain... gainera Zugarramurdi ez
dago preziski toki hurbiltsuena
aunitzendako. Hori bai, zikiro
egunean, 18an, ez zen herrian to-
kirik kotxerik aparkatzeko, halako
jendeketak etorri ziren eta.

Eguraldia ere erdi-ta-erdi por-
tatu zaigu: egunaz ateri egiten
zuen, baina ia ilunabarrean, 7ak
aldean, barkatu gabe, euria edo
txirimiria agertzen zen (gaixoak
gure amak, nolako arropak garbitu
behar izaten dituzten...) Hori
bai, preziski zikiro egunean, guri
gehiago interesatzen zitzaikun
egunean, horretan eguraldi garbi-
garbia atera zuen, eguzki eder
eta batere lainorik gabe, jendeak
erraiten zuen iduri zuela norbait-
tek hala espres arrimatua zuela.



ZIKIRO-JATEAREN GAIN

Eta besta kontuz ari garenean, gure "ZIKIRO-JATE"aren gain hitz batzuk erranen ditugu. Guk gaur ezagutzen dugun zikiroa 800 lagun-en arteko bazkaria da; hunat etortzeko, aintzinetik 2.500 pezetetan, txartela erosi behar du-zu, eta hunek, platera, basoa,

kutxarea eta ogi puska lezeko sar-
rerran hartzeko deretxoa ematen
dizu gero, leze barnean zurezko
aulki batzuk emanak izaten dire-
larik hantxe jartzeko; baina kon-
tuz, mahairik gabe. Bazkaltzeko
hau izaten da: piperrada, ziki-
roa, zopa, gasna, kafea, kopa eta
puroa. Bitartean eta ondotik, mu-
sika alde guztietatik.

Bainan erran dudan bezala, hau, gaur egun egiten dena da, bainan lehen, duela 20 urte hurbil, zikiro-jatea herritarren bazkari bat baizik ez zen: juntatzen ziren 60 lagun gutti goiti beheiti (Saratar eta Urdazuiar batzuk kontatuz) eta hauek etxetik eraman behar zuten beren esku-zapia basoa eta nabala, lezean bakotxa ahal

zuen tokian jartzen zen: lurrean, harri kozkor batean edo egur baten gainean, eta holaxe, lehenik zikirotik hasten zen; zikiroa ogi tar-tean nabalaz lagundurik jaten zen; zikiroak bezperan baserrietatik erosiak eta Barrentxean, gazteek hil eta garbituak izaiten ziren; zikiroen gibela bazkari prestatzen ari zirenendako gosaria izaiten zen. Zikiroaren ondotik salda heldu zen (haragia errexago pusatzeko), salda porru, pastanagre, perrexila eta zikiroaren buru eta lepoeekin egina zen; salda, baso berean edaten zen, baina nola irakitan zegoen eskuarekin hartu beharrean, eskuzapiarekin inguratu basoa eta kider bat eginez xarman-ki edaten zen. Saldaren ondotik gasna heldu zen, eta bukatzeko kafea, anisa edo koñaka eta puroa. Bazkal ondotik bi gazte igaten ziren lezearen gaineko alderat zenbat lagun ziren bazkaltzen kontatzeko, eta gero ateratzen zi-

ren kontuak: hainbat kosta da bazkaria, honenbertze ordaindu behar du bakotxak. Eta bukatzeko eta digestioea hobeki egiteko, joaten zen lezeetatik musikarien ondotik soka dantzan herriraino, han apezaren etxerat hurbiltzen zen, hunek anisa eta koñakerat gonbidatzen zituen eta jota bat dantzatzuz bueltatzen ziren berriz soka-dantzan plazarat. Eta holaxe egiten zen urtero; baina erran dudan bezala, duela 20 urte edo zerbait horrela, uste baino jende gehiago hurbildu omen zen bazkaltzerat, bazkaria eskas ailegatu zen, eta jendea haserre gelditu zen. Ordutik aintzina erabakia hartu zen; aurretik txartelak salduko ziren, hola jakiteko segur zenbat lagunendako prestatu behar zen bazkaria. Hala ere, bazkarian piperrada emaiten ahal zela pentsatu zen, piperrada emaiteko platerak eta kutxareak banatzuz. Poliki poliki jende gehiago hasi

zen hurbiltzen zikirokat, eta hauek esku hutsik agertzen zirenez, basoak deneri banatzen ere hasi ginen; jendea egokiago izaiteko hasi ginen aulkiak emaiten; eta azkenean, jende gehiena kanpotarra baitzen, galdu zen ere soka-dantzaren ohitura.

Hauze izan da gora-behera, Zikiro jateak izan duen aldakuntza. Orain besta hau herritarrendako ez da, lan gogor bat baizik; pentsatu behar da 800 laguneri bazkaltzera emaiteko eta baita ere bazkari hunen ondotik denak biltzeko eta garbitzeko, laguntza haundia behar dela, eta Zugarramurdi 325 biztanleko herri ttiki bat dela. Hori bai, bestak pastu eta 15 egunen buruan, bertze zikiro ttiki bat egiten dugu herritarren mailan; 150 lagun inguruan juntatzen gara eta honetan ia bai, soka-dantzan bukatzen dugu bazkaria herrirat ailegatu eta.



Joan den Apirilaren 4ean "KERGORNOU" izeneko dantzari taldea Zugarramurdi aritu ziren beuren dantzak eskeintzen.

EUSKALDUN IZATEA GURE ESKUALDEAN EDO QUE TE PARTA UN RAYO



Atzo, gaur, eta nork daki oraindik noiz arte, erreserbatik kanpo nahiz erreserban bizi garen euskaldunok, euskaraz bizitzera galazten duguten oztopoz inguraturik gaude. Eta egoera honen zergatia, neurri haundi batetan behintzat, instituzioen jarreraren datza. Instituzioek dute, bakoitzak bere konpetentzian egoera hau moldatzeko giltzarria.

Dena den, ezin dugu atzendu, euskararen normalizazio osoa ezinezkoa egiten duen legeria baten menpean bizi garela; Espaniako konstituzioa, alegia.

Ondorioz, Euskal Herriari euskaraz bizitzeko duen eskubide territoriala eman beharrean, euskaldun garenok, euskaraz bizitzeko dugun eskubide indibiduala aitortzen zaigu bakarrik; hori bai, euskaldunok ditugun eskubide indibidualak bete ahal izateko inori deus esijitu gabe. Ez zaigu beraz, eskubide territoriala emaiten, eta eskeintzen zaizkigun eskubide indibidualak, deklarazio huts batetan gelditzen dira, ez bait da biderik jartzen bete daitezen.

Nafarroan, "Vascuencearen legea" ezarri zigutenetik, goian aipatutakoa, bere gordintasunik mikatzenean ikus dezakegu. Euskararen "ofizialtasuna", mendialdeko herri batzuetara mugatu dute, eta hauetan, bertako udal-administrazioen baitan utzi dute ofizialtasun hori praktikatzen eramatea. Hau da, erreserbako euskaldunok euskaraz bizitzeko dugun eskubide indibiduala onartzen zaigu, baina, eskubide hori bete ahal izateko inolako garrantiarik eman gabe.

Laburbilduz, honako puntu hauetan azalenezake Vascuencearen legeak dioena:

a) Euskararen ofizialtasuna Nafarroako eremu ttiki batetara mugatzen da, Nafarroa osoarendako euskararen ofizialtasuna ukatuz. Aipatutako eremu ttiki horretan aitortzen den ofizialtasuna berriaz, zeharo ustela da, legearen aplikazioa udal-administrazioen eta bertako erakundeen esku uzten bait du.

b) Eskualde euskaldunen eskubideak soilik aipatzen dira; eskubide horiek bete ahal izateko eta praktikan jartzeko biktartekoak kontutan hartu gabe.

d) Euskararen presentzia, hizkuntzaren oinarritzko mailetan (OHO) aurrikusten du bakarrik, ertain eta goi mailetan bere presentzia ukatuz.

e) Nafartarron bizi-sozialaren ardatza osatzen duten hiri haundietako ateak itxi dituzte euskararentzat, hizkuntzez-ofizial denez.

f) Maila ezberdinetan berreuskalduntze lanetan diharduten hainbat herri erakunde, ez ditu deustarako kontutan hartzen.

17

UDAL GESTIOAREN EGOERA

Berriki gure herrietako udal egoeraz solasteko mahai inguruan elkartu ginen. Hemendik urte batzutara udalak zer eta nola antolatuak izanen diren aztertu ondoren, zalantza haundiak izan genituen konklusioak ateratzeko.

Lerro hauen bidez gure ikusmina azaldu nahi dizuegu guk emandako pausuak segituz konklusioak atera baino lehen gaurko arazoak zein diren aztertuko ditugu, hau da:

- Ekonomiari dagokionez, Diputazioarekiko menpekotasuna.
- Zinegotziek udal gestiorako duten ahalmena.
- Goi mailako planifikazioa gizartearen teknifikazioaren arabera egokitzea.

Lehenengo arazoan, Udaletxeen aurrekontu arrunten diru sarrera nagusienak Gobernuak egindako trasferentziak direla argi dago, aurrekontu berezietarako direnak ere iturri beretik heldu dira (% 80). Honek, gure eginahaiak baldintzatu egiten ditu. Guk aukeratutako eginkizun bat gobernuaren gustokoa ez baldin bada, ezinezkoa da aintzineria eramatea, dirulaguntza ukatu egiten bait du. Zergek ere haiek ezarritakoak izan behar dute.

Honek, izugarritzko ondorioa dakar. Herriak subentzioa lortzeko biderik ikusten ez badu, edo moztu egiten badiote, aukeratzten duen bidea haxe da. Presupuestua bete ahal izateko, mendiko arbolak bota, deforestazioa deritzaiona.

Nafarroa hezean bizi baldin bagara ere, beldur gara gure mendietako berdetasuna ez ote den sasien berdetasuna baino.



Hau da, ez ote gauden sobera denbora pasatzen ari mendietako errekurtsoen edo oiha- neztapen planifikaziorik egin gabe, eskualde osoa kontutan hartuko lukeen planifikaziorik egin gabe, eskualde osoa kontutan hartuko lukeen planifikazio bat. Aunitz moztu eta gutti landatu... Naturarengandik hartzen ditugun ondasunak ez dira betikoak izanen. Martxa honetan eta horrela segituz ez da mendira jotzerik izanen, aurrekontuak betetzeko.

Zinegotzien ahalmenez berriz, zaila da hitzegitea, bati baino gehiagori kalte egin diezaiokeelako. Hala eta guztiz ere, egunero ikusten dugunari begiratzen badiogu, gestio municipal bat egiteko ez daudela prest iduritzen zaigu.

Zergatik hori?

Mila arrazoi dira. Udaletxea gero eta urrutiagoko gauza bezala bizitzen delako. Zenbait herri txikietan Madrildik ailegatuko balitz bezala dirudielako eta ez bertako biztanleak osatutako erakunde bat. Mugatua eta urruti mantentzen delarik, zinegotzi berriak esperientzi gabeak jartzen dira, lanean berriak dira eta, gainera, ez dute jendearen partizipazioarekin kontatu ahal.

Sobera iluna paratzen ote dugu? Hala ere, jendeak parte hartzen du. Dena dela,

kritikak bai, ugari gainera! Alabantzak? Begira. Ez hemen bakarrik, inguruko herrialde gaztietan. Dakigunez, gaizki pentsa eta esatea errazagoa da ongi egingdakoak aipatzea baino, baliteke heziketa-
ren ondorioa izatea. Dena den beti txarra aditzeko ez du inork errepikatzeko gogorik. Gero eta zailagoa egingen da, martxa honetan, kandidatura osatzea.

Izan ere, nola iristen gara Udaletxetara? Batzutan, bertzerik ezean, bertzetan etsai politikoari aurka egiteko, hauteskunde zerrendak nolanahi betez. Gehienetan zertara goazen ere jakin gabe, eta gogo gutxirekin. Gero gertatzen dena garbi dago.

Udalara ailegatuta, denborarik gehienean arazo teknikoak konpontzen aritzen gara: ur sariak, argia, karrikak, karreterak, pistak, kanposainduak, frontoiak, eta abar luze bat. Honetarako, eginkizunen planifikazioa eta tekniko batzuk aski izanzen lirateke.

Guk, bertze arazoak konpondu beharko genituzke, edo saiatu bederen: langabezia, Irakaskuntza, Hirigintza, Osasuna, Kirola, Ekologia, Turismoa, Industrializazioa, Merkataritza,... Gai ugari, baina behar beharrezkoak gaurko eta biharko. Eta horretarako ez gaude prestaturik.

Hirugarren arazoa, konplexuena behar bada, argitzen saiatuko gara, laburki bada ere.

Gaurko gizartea teknifikatuz doala kontutan hartuz, planifikazioa eta serbitzuen errentabilitasuna eskatzen du, funtzionamendu egokia izan dezan. Honek zer erran nahi duen? Herritxo bakoitzak, ezin dugula deus ere egin bertzeak ahantziz.

Honela bada, ikus dezakeguna zera da: Gobernua, goi mailako planifikazioa egitera beharturik dagoela. Honek, gure ganako kontrola handitzea, eskubideak laburtzea, murriztea eta mugatzea dakarkielarik.

AMAIUR-KO BEHARRAK:

OSTATUA KONPONTZEA

FRONTONA EGITEN LAGUNTZEA

BIDEETAKO MALDAZULOAK BERDINTZEA

*EDO BERTZENAZ BEHAR DUGU

INDEPENDENTZIA

Aipatutako arazo hauek ikusiz, konklusio ilun batetara ailegatu gara: epe laburrean inork ez duela zinegotzi izan nahiko. Udalek inongo eskubiderik ez badute, zertarako?.

Eta honela, egun batetik bertzera "DEKRETOZ" desagertu egingen dira. Mankomunitateak edo Udal Buruak sortuz.

Eskualde osoan ote dago horrelako arriskua

Bai, noski, nik konkretuki Maldaerrek bere berezitasunarengandik herri txikiak eta Doneztebeko zentral eragina dela eta gertugo ikusten da, agudogo etor daiteke

Baztanen bezala, antzekoa izanzen zen.

Nola ikusten dudan Baztango udal gestioa?

To! Hor bada zer esan eta zer jorratu. Luzeegia lau hitzetan laburtzeko eta, batez ere, gaizki esateko arriskua.

Ez dakigu zerbait egin daitekeen edo denboraz ga bitzan, baina Baztan, Erreka, Bidasoa mailan mahai inguru bat antolatzea gai horretaz eztabaida genezan ez litzateke gaizki etorriko.

Ea nork hartzen duen arrasto hau.

J. Etxart

[illegible]


Baztani buruz zertxobait gehiago

BAZTANGO BAILARA

Zabala bezain ederra omen da Baztango bailara, edertasunez neurririk ez badu, zabaltasunez neurri handikoa dugu, 273,85 km². eta Nafarroako 265 udal etatik zabalena denez gero Herrikoetxearen babesean 15 herri biltzen dire bailara hunen batasuna osatuz.

Nafarroako herrialde gehienek gisara Baztango bailara ere atzerriratu edo emigrazioaren zampak joa du. Azken urte hauetan 1.500 biztanle galdu ditu (kontutan har 1.930ean 9.680 biztanle zituela Baztanek eta orain 8.200 inguruan dauzkala). Gaur egun bestalde, erran beharra dago, Baztan herrialde zahartua bezala aurkitzen dela etnografia aldetik.

Historikoki Baztan beste Nafarroako bailara gisa, jaun baten babesean agertzen den lurralde bat da, hau erranen genuke "vizcondado" deitzen den lurraldetxoa izan dela ikusiz horrela diola 1.168 garren urteko agerkai batek. Bestalde Baztan 1.577garren urte arte Bayonako apezpiku menpean egon zen eta 1.441ean Principe de Viana eikari baten bitartez erregen hautari eta lurralden jendeztanle bihurtzen da. Bailara hau, betitik lotua egon da bere batasunari eta horrela irakur dezakegu 1.631garren urteko agerkai batean: "La dicha Valle se compone de catorce lugares y parroquias es una sola casa, un solar y una Iglesia, como esta declarado en la ejecutoria que tiene ganada". Hemendik baizik har dezakegu Baztanen aurkitzen den bereiztasun haundiena, hau da, bere komunal eremuak, (28.000 hektareaz gain, %tik 84 lurrune), Alkate eta armarri bat denentzat, eta lartegi berak guzientzat.




Arizkunenea Elizondo

BAZTANGO ARAUAK EDO ORDENANTZAK

Argi eta zintzoak izan ziren herriaren gobernuko. Lehenak eta eskuidatziz eginak 1.544 urtekoak agertu izan dira. Ondotik, beste zenbait urtetakoak eta inprimituak jaso ziren 1.696, 1.733 urtekoak eta "berriak" bezala deitu izan direnak 1.832garren urtekoak.

Apirilaren 29an eta 1.560garren urtean, bailarako alkate, Gartzaingo Iturbide Santxo jauna alkate zela, bildu zen bailarako "Junta" edo Batzar Nagusia eta bertan erabaki zen beharrezkoa gertatzen zela ordenantzen barruan biltzea, herriko alkate hautatze egin bidea eta komunaleen baliatzea. Horrela, gaurko egun hauteraino Baztango bailarak bere arau edo ordenantzen bitartez antolatua du bere erakunde eta administralgoa.



batek dionez " para mexor acordar, resolber y determinar todos los casos y negocios, asi en lo militar como en lo politico" laburtu zuten berrogei eta hamar kideetara Batzar Nagusia. Batzarren kideen agintza urte bateko izaten zen eta beharrezko edo ezin ukatua izaten den aginbidea zen. Batzarre Nagusi hau arduradun izaten da komunal eremuen gain, bide, oihan, eta luberri arazotan gehienbat. Lau aldiz urtean biltzen da beharrezkoz, hiru Bazko biramunetan eta S. Miguel egunekin.

HERRIKO BATZARREAK

Batzarre Nagusi edo Juntaren oinarria dugu herriko Batzarreak Baztango herri guztietan herri arazoak Batzarrean aztertutako eta erabakitzen dire. Batzarre horrek herri erakunde baten indarra dauka eta aipatutako arau edo ordenantzetan bildua dago. Herriko "Juradoa", hau da, Batzarre Nagusi edo Juntako ordezkaria dugu batzarrean hautatua izaten den herriko alkatea bezala.

Hauteskunde hauek, bi urtetik egiten dira eta Eguberri egunean herriko Meza Nagusi ondoan, herri guztia Batzarrean bildurik, aurkezten dire hautagaiak. Han bertan nahi duenak nahi erran ondoren hautatzen da eta errege egunean hartzen du bere kargua.

Urtean zehar egin daitezke nahi edo beharrez ikusten diren Batzarreak. Batzarrean Hautatzen diren "juradoak" Juntako ordezkariak dira baina ez du zertaz izan herriko alkatea, gehienetan edo beti horrela gertatu, zeren eta herriko alkatea bailarako alkatearen ordezkarienez geroz, bailarako alkateak izenpetzen du bere ordezkaria, erran bezala, herriak hautatutako juradoa izenpetzen du herriko alkate bezala.

HERRIKOETXE EDO UDALA

Bertze edozein herrietako hauteskunde bitartez egiten diren bezalaxe hautatzen dira, hamairu zinegotzi. Bailara guzia herri bat izanen balitz bezala erabiliz

eta bailara guziko jendearekin osatutako zerrendaren bidez antolatzen da Baztango udala. Bailarako alkatea denbora bertan Batzarre Nagusiaren lehendakari da eta zinegotziak batzarkideak.



Bukaera

Zirritoetatik sartzen den argia, gutti izanik, nahikoa izaten da nabarmentzeko ikusten denari buruz. Hemen ere, argi txikia da nolabait konturatzeko Baztango erakundearen inguruan dagoen bereiztasun aipagarri hori, baina zirrito baten argi ttipi bezain laguntzaile gertatzen bada idatzi hau, nahikoa izango litzateke kontutuan hartzeko gure herriek beren gobernuko eman izan dituzten erakundeak sendo bezain neurrizko eta herrikoi izan direla. Jarrai dezagun gure ohiturekin herriaren onerako.

M. GARDE



AI ENE!!

Aspaldi ez naiz hemen agertu, paper-txo honetan. Hiru edo lau urte?. Blas naiz. Bordatxori buruz edo artzai berriez idazten zuena.

Zertan eman dudan denboraldi hau? Zuri ez zaizu inporta! konfidantza bai, gehikeririk ez, aizu!

Dena den, orduko lanari, berriz ere jarraitzeko asmoz heldu naiz: inguru hauek, bertako jendea, arrotz batek begiraturik zer nolakoak ikusten diren agertzera.

Garai hartan sinpleegia ikusten nuen nere lana. Urte hauek gaia sakontzen pasa ondoren erabaki bakar batera ailegatu naiz: Hobe sinplekerietan segi! Baztan, Malaerreka, Bidasoa, Leitza, Goizueta, mundu bat dugu, Joxe Mari! ez ttikia gainera. Gehiago erranen dizuet: Edozein barride edo auzo txiki txar batek oso mundu konplexua dugu, errespetu piska batez begiratzen badugu, barrrendik aztertuz gero ... Hitz gutxitan, lehen nuen ausardia galdu dut eta alde guztietatik konplexutasuna bertzerik ez dut ikusten. Atzentzen zitzaidan: artikuloren gaia hauxe dugu: "ESKUALDEA ETA BERE JENDAIRA".

Luzea eta gaizki egina dugu eskualdea, eskualdea baldin bada. Berdea, zaharra eta helgabekoa. TtipiTTapa dugu jadanik, elkarren artean egiten dugun gauza bakarra.

Ez da, zoritxarrez, ahoberokeria bat, Amalia! Egitafoidea! Pentsa! Zer ikusteko

du Leitzeko punki batek, Berroetako Eus-takio batekin?, edo Azpilikueta Herija Goizuetako Peio eta Pantxorekin?, Lesakako ekologista modernoak Doneztebeko sasimerkatariekin?, Elizondoko kontrabandistak Laminazione setako langile porrokatu batekin?, bai ote dira?, Beratar kulto motel batek Zubietako tarta mutua- rekin? Zu eta ni!.

Hizkuntza bera hartu eta, erran, zergatik dirudi Himalaya 800 metrotako mendixka bat? Herriz herri euskalkiak, etxez etxe, estutzen banauzu, aberatsa, polita! Hori bai, eskualde bat izan beharrean, Noeren arka dugu., neurriak gorde eta New York sakabanatua., eta Lesakako Zialdo ingurua Brasildarren kolonia!.

Ez dago hemen beldurrik, momentuz, denak berdinak, eredu batekoak, sortzez. Gureak eginen duela pentsatzeak bakarrik beldur gaitzake, eta hori, gibeletik heldu direnek konpon dezatela ahal badute. Hirugarren adin hori, hogeitamar urtekin hastea gure helburua, langabezi- tik jubilaziora!.

Nik garbi dudan gauza bakarra zera da, edozein herritan deputamadre bizi- tzen dela. Inongo iskanbilik gabe, denak senide... Uy, Uy, Uy! Senideen arteko muturka aritzeak! Maitasunaren gordinke- riak! Nafar hezearen bukolismoa!... Eus- kadi gora? Beno, beno! Bazter ditzagun galdera ergelak. Zuk eta nik ongi daki- gu. Bat etorriko bagina!.

lan egitea, langile izatea helburu jakinik gabe, ongi ikusia dugu, pertsona baten ezaugarri ona. Dantza bera, nola egiten duzu? Zein helburuz jantzirik? Sasoa eta indarra, hanketakoa batez ere, erakusteko modua dugu, herri ibiltaria garenez... Kirolak, bertakoak, gauza bera erakusten dute... Gure emakumeak ere ezaugarri hori dute, izugarri langile direlako, betidanik kanpotarrentzako harridura motiboa... eta txarra al da lan egitea? Ez, neurri batean bada behintzat. Neurria, beti neurria, orain arte alor txarrean kokatu dugun gauza... Zer izan dira, guretzat neurtu, mugatu behar diren ekintzak? Plazerra sortzen zutenak. Amodioa batez ere... Amodioa lana bihurtzen bait genuen... Ezetz?... Pentsa... Amodioa egin beharrean larru jotzea bait zen gurea...


Behin, ez aspaldi, parrandaren ondorioa ezin gaindituz, ardoa, magra eta arraultze prexietuen artean, adineko gizon batek eskeini zigor bere iritzia,

mutil gazte guztiak ikasi behar dutena.

Larru jotzaile famatua bera, badakit nongo ama-alabarekin egon zen orduko ipuia eskatu eta, abiatuz gero... Bere oroimenik politena bota zuen... Soldaduzka garaiakoa... Hogeitazko urte zituen gailurrekoa: Hiru gauez, hiruna aldiz egin omen zuen... Hura... Tipo kastigadorea! Nola horrelako lorpenik? Aisa! esplikatzen zuen, berak. Zakila sartu orduko ateri, hori omen zen dena!... Irria ezin gorderik egon nintzen. Hori al da plazerra? Jakin dut, gero, ez dela gizon hori, teoria horren defendatzaile bakarra, hau nere harridura! Amodioa, joku luzea, ohatzetik aparteko ordu pila, egun osoa eskatzen duen gauza, larru jotze bihurtuz gero, lana bihurtzen da. Plazerra, zurea eta zure lagunena, ez da helburua. Hemen ere sartu dugu apostua, kirolaren giroa. Eska dezagun garbi behin eta berriro, Brasilgo Ba_____ jumelaje egitea. Gora beti gure eskualde brasi-.

BLAS.





Emakumeak, batez ere etxeko-andreak, gizonezkoak baino hiru aldiz gehiagotan izaten dituzte depresioak eta bi aldiz gehiago berriz, ez-ongi-tasun psikologikoak (hau da, urdurita-sunak, nerbio krisiak, amesgaiztoak) eta "nerbioak" direla medio ez-ongita-sun fisikoak (esate baterako: nekea, buruko mina, zorabioak, takikardiak, ...)

Egoera hauek arrazoi desberdinengatik gertatu arren, behar bada arrazoi garrantzitsuenak psikosozial motatakoak izaten dira eta horietaz ohartuz gero konponbideak bilatzera jo beharko genuke.

Aunitzetan, emakumearen etxeko lana, pisua da, ez du bere burua maitatzen ezta bere biziaz pozik sentitzen.

Aldi berean, ez du "laguntza sozial" handirik izaten, hau da, aunitzetan ez da maitatua sentitzen, ez du ikusten bere burutaz inor arduratzen denik, ez da baloratua eta estimatua

eta anitzetan ez da sozialki dagokion
eskubide eta eginbehar guztien jabe.

Normalean, laguntza sozialak txikiak izaten dira berarentzat: "gauzak aldatzeko" ezer gutxi egin dezake. Eta, bere etxeko girotik atera nahiez gero, leku gutxitara joan daiteke.

Berez txarrak diren zailtasun hauek oraindik gehiagotzen dira beste zirkustantzi batzuk sartzen badira tartean, horrela bada sortzen dira hainbat eta hainbat "nerbiotako problemak" emakumezkoetan. Esate baterako:

- Bikotean edo parejan, komunikazio txarra edo eskasa baldin badago. Hau da, emakumeak, etxeke andreak, ezin badu bere senarrarekin inongo planik egin, ez berarekin ateratzeko ezta solasteko ere. Ez bada pozik sentitzen berarekin, edo ezkontza barnean arazoak badaude, oraindik hutsune handiagoa nabarituko du, kartzela baten barruan sentituko da eta ondorio gisa bere osasun mentala arriskutan egonen da.

- Bakardadea eta isolamendu soziala badago; hain zuzen ere, bere etxeaz arduratzen den emakumea, lagunik gabe, bere jatorrizko familiatik urrun, bere herritik, bere jendetik aparte badago "itxo egiten" ari den sententzia izan dezake, batez ere ez duelako gustoko giroa eta ondorioz angustia eta tristura handia bere barnean izan.

- Ardura handiak baditu eta sobera lan egiten badu berriz, bere burua "pote" egin da gelditzeko arriskua du eta baita arestian aipatu ditugun ezongitasun psikosomatikoaz eritzeko ere. Batez ere, emakume batek seme-alaba anitz baditu edo pertsona adintu batekin biziz gero edo eriren bat bere kargu izanez gero, nahiz eta anitz maitatu eta ongi zaindu nahi, bizi daiteke izugarritzko tentsioan, batez ere ez badu laguntzarik edo lana errezteko mediorik.

- Ustegabearen gertatzen diren hausturak, esate baterako, maite den pertsona baten heriotza dela, edo ezkontzaren porrota, seme-alaba batek bere bizia egiten hastea edo langabezia, edo etxebizitza aldatzeak, depresioak edo nerbio nahasketak izateko arrazoiak izan daitezke.

Datu hauek jakin ondoren, eta batez ere emakumezkoengan eta bereziki etxe-ko andreetan sortzen diren hainbat arazo psikologikoak kontutan izanik, komunitatearen ardura da nolabait ere neurriak hartzea, hain zuzen ere arazo horiek ez sortzeko.

Beraz, premiazkoak diren helburuak hauexek dira:

1.- Bikotearen arteko harremanen kalitatea hobetzea.

2.- Ohiturak aldatzea, hain zuzen ere gizonezkoek heuren familiari atentzio gehiago emateko eta batez ere senar-emazteak maizago elkar ateratzeko eta beuren denbora libreka elkarrekin planak egiten aritzeko.

3.- Emakumezkoen arteko bilkurak eta ekintzak izaten laguntzea.

4.- Konfiantza ezak eta berri-keriak (erranmerranak) alde batera utziz, hain zuzen ere pertsonen bakar-



tasuna sortzen dutelako eta aldiz, harrokerazko eta lagunkidetasunezko sentimenduak bultzatzea.

5.- Emakumezkoa sozialki bultzatzea, batez ere bere buruaz estima handiagoa izateko eta baita bere ahalmen soziala gehitzeko. Helburu hau aurrera eramateko, herri mailako zentru kulturalak bultzatuz.

6.- Nahi duten emakumezkoentzat berriz, beste mota batetako ekintzak bultzatzea, etxetik kanpokoak; ekintza horien artean ordaindutakoak ere izan daitezke. Horrela, emakumeek, etxetik kanpo, beste gauzetan aritzeko aukera ere izanen dute.

7.- Etxeko bizi-baldintzak hobetzea, baita etxeko lana egiteko erreztasuna izatea, hain zuzen ere lan hori ez izateko pisugarria eta ahal den eta denbora libreagoa gelditzeko, batez ere arestian aipatu ditugun beste funtziotan parte hartzeko.

OSASUN MENTALEKO TALDEA

IKASTOLAK ITXI ?


NAFAR GOBERNUAREN

ERASO ALDI

BERRI

BAT

Euskararen normalizatze bidean urratsak ematen ari dira, baina zein neke-tsua den bide hori! Oztopatzen eta ezintzen ari direnak aunitz dira eta indartsuak. Lekuko, Nafar Gobernuak aurten eman dituen Foru dekretu eta Dekretu egitasmo zenbait: eskoletako euskal irakaskuntzari buruz, Helduen Alfabetatzeari buruz eta Ikastolen etorkizunari buruz. Hemen, azkenengoaren aipamen berezia eginen dugu, "Nafarroa Oinez" inguruan idazten baitugu, Lesakako Ikastola protagonista dela bai ihardunaldi horren antolaketan, bai ikastolei buruzko Dekretu egitasmoan.



Foru Dekretu Proiektuaren edukia.

1) Legeztatu-gabeko ikastolen desagerpena: 1990eko abuztuaren 30erako, hogei-ta bederatzi ikastolek ateak itxi behar dituzte. Honako hauek:

- | | |
|---|--|
| <p>A. Lesaka
Leitza
Hiruerri
Etxalar
Igantzi
Goizueta
Doneztebe
Sunbilla
Agoitz
Olazagutia
Urdiain
Bakaikoa
Arbizu
Lakuntza
Uharte-Arakil
Irurtzun
Lekunberri
Iaben</p> | <p>B. Auritz (Burgete)
Aurizperri
Otsagi
Jaurrieta
Gares (Puente)
Eugi</p> <p>C. Sartaguda
Lunbier
Zangotza
Biana
Tutera</p> |
|---|--|

2) A. zerrendako ikastolei, Estatu Eskola Publikoan sartzea eskatzen zaie eta berarekin bat egitea. Horren ordez, herri horietako eskoletan euskarazko irakaskuntza emanen dela agintzen da.

Agindu hori gezurrezko hitza da, noski. Aurtengo maiatzako 19an argitaratutako Foru Dekretuak dioenez, euskaldun lurraldean, euskarazko irakaskuntza borrondatezkoa izanen da, haurren gurasoek

nahi dutenaren arabera. Horrez gain, irakasleen zaletasun eta gogo ezberdinak kontutan hartuz, non gelditzen da euskaraz irakasteko garantia?

B. zerrendako ikastolei, Estatuaren Eskola Publikoan sartzea eskatzen zaie eta, ordez, eskola horretan euskara ikasgai izanen da, bi edo hiru orduz astean.

C. zerrendakoek ez daukate aukerarik, nahiz, elkarriketa bidea emanen zaiela gai horretaz, erran.

3) Ikastola horiek, denek, Gobernuaren eskaera eta eskaintzari uko egiten ahal diote. Baina hor doakie amenazoa ere: Nafar Gobernuak diru laguntza erabat ukatuko zaie.

4) Argigarri da, Foru Gobernuak iskribuan erabiltzen duen hizkera. Dekretu proiektuari, "Ikastola Federakundearekin elkarriketaratzeko oinarrizko agiria" deitzen dio.

Elkarriketa horren helburua, "Nafarroan gaur ari diren Ikastola guztien baimenketa eta legeztapena da". Eta, ikusi dugunez, lauetatik hiru ikastola ixtea proposatzen du. Ez dugu ulertzen, nola autorizatu eta legalizatu daitekeen Ikastola, itxierazi bertze biderik eskeintzen ez duenean.

"Gaurko egoera normaldu nahi da. Horregatik, ez da baimen gabeko ikastola berririk, irekitzen utziko". Legezko baimenaren baldintzak gogorrak dira: O.H.O. (Oinarrizko Hezkuntza Orokorra) oso-osea behar da eman Ikastola bakoitzean; (15) haurren gutxiengoa burutu behar du ikasturte eta gela bakoitzak; lekuaren neurriak, tresneria eta zerbitzuak, e.a. Eman diezaiegun begirada bat gure herrietako eskolei, eta arestian aipatutako lege eskakizunen arabera, aunitz itxi beharko lirateke. Baina horiek ESTATUAREN ESKOLA PUBLIKOAK dira, eta Estatuak legea, berak nahi bezalakoa egin eta berak nahi duenari betearazten dio. Erdarazko eskolari ez; erraztasun guztiak behar baititu.

Euskarazko eskolari berriz ahal den oztopo guztia jarri behar zaio, euskarazkoa baita.

5) Ikastoletako irakasleak Nafar Gobernuaren esku geldituko dira, eta honek nahi duen ikastetxeetan irakatsiko dute. Eta horretan segurtasuna ukan dezaten, oposizio-lehiaketa jasan beharko dute. Euskara eskoletan garantiza dezan, ikastolako irakasleak, euskaldunak, eta euskaltzaleak normalki, ez ditu eskolan sartzen utzi nahi. Zer itxura du honek? Irakasleak, urtetan lanean ari edota tituloa izanik ere, lehiaketa batzuren emaitzetatik zintzilik gelditzen dira. Ez aprobatur gero, hirugarrenean, lanik gabe gelditzen bait dira.

GEHIGARRI GISA

Ikastolei buruzko Dekretu-projektu hau, legez oraindik hori da: proiektua. Baina bere edukia eguneroko errealitatea bilakatzen ari da. Ikus, bertzela.

Lesakako ikastola ixtearen alde, Nafar Gobernuak, Zangotzako ikastolaren etxe berria finantziatuko luke. Ikastola Federakuntzari horrela errana, omen.

Joan berri den abuztuaren azken egunetan jakin dugunez, ikastola ttiki batzuri diru laguntza ukatu egin die Nafar Gobernuak, hasteko dagoen ikasturtea burutu ez dezaten. Eta bertze zenbait ikastolari, gutitu egin zaio laguntza. Denetara, hamabortz bat ikastola ukitu ditu azken erabaki horrek.

Ikastola haundi eta legeztatuetan ere, gela kopurua tikitze alde laguntza eskeintzen ari da Foru Gobernua.

P.A.



35

EKIN EUSKARARI!!

Bortzirietako eta Malaerre-
kako AEKk kurtso berri bati ekin
dio. Joan den hilabete horretan
ikusitako ahal izan dugu gure herri-
etan zehar AEKk gure hizkuntza
berreskuratzeko bidean, euskara
ikasi eta alfabetatzeko ematen
dugun eskeintza.

Erran behar aurten lehenengo
aldiz udalek ere parte hartu du-
tela lan honetan eta Bortzirietako
udalek nola Bertizaranakoek,
beuren herrietako biztanle guz-
tiei eskutitz bat bidali diela
euskara ikasteak eta alfabetatze-
ak duen garrantzia aipatuz; bai
gure seme-alaben heziketarako bai
gure hizkuntza berreskuratzeko.
Bidenabar AEKk ematen dien aukera
eta eskeintza goraipatuz eta ma-
trikulatzea konbidatuz.

Espero dugu iniziatiba hau
ez dela horretan geldituko eta
hemendik aintzinera udalek kon-
promezu serio bat hartuko dutela,
bertze erakunde herritarrekin ba-
tera, gure hizkuntza berreskura-
tzeko eta sendotzeko bidean, el-

karlanean tinko jarraitzeko.
Denaren beharra izanen bait da
lan hau aintzinera ateratzekotan.



IKAS DEZAGUN GURE HIZKUNTZA !!

Saia gaitezen berreskuratzen... erabiliz

Orri honetan artifizial samarra gelditzen bada ere, baserri-
tar bati horrelako zerbait entzutea ez da hain bitxia. Eta bel-
dur gara hitz horietako zenbaiten erranahia atzenduxea ez ote
dugun. Adibidez:

Guretako lehenbizikoa eta laugarrena dira ezagunenak.

LEKEDA: Gauza beratza eta itsaskorra, itxekitzen dena.

Bortziriak eta Maldaerrekako AEK



NAFARROA

OINEZ-88

Etorriko zarete
hona bazkaltzera
ibiliko gerade
gure tankera
oraintxe noa bai ni
etxera lanera
egun hortarako bai
gauzak prestatzera
gure pentsakera
gehientan da bera
maitatzia euskera
gu lagunak gera
gonbidatzen zaituztet
hona etortzera.

Saldu beharko dugu
galtza eta zapin
behar duguna eiteko
diruarekin
bihotzetik ateitzen
diren txinpartekin
txarangak egiten dun
salto ta furrekin
eutsi gogor Krixpin
saltzen gogor ekin
ohizko gogoekin
denok lana egin
gure Euskera zaharra
galdu ez dadin.

Esan behar dizuet
gauza bat bihotzez
negarrez hasiko naiz
pozaren pozez
bukatuta dugula
izerdi ta nekez
hau egiten dugula
guk dugun beharrez
bete pegatinez
baita kamisetez
lotsik ez izan ez
gure atseginez
Lesakan izango da
Nafarroa Oinez.

(Doinua: Betroiarena)

Karmele

Euskal Herria maite ta
Euskara ahaztu
inolaz ezin leike
gogoan onartu
eutsi gure hizkuntza
ikas ta zabaldu
egin dezagun bultza
indar ta askatu.

IZEN DEITURAK _____
 HELBIDEA _____
 TELEFONOA _____
 HERRIA _____
 PROBINTZIA _____
 BANKU EDO AURREZKI KUTXA _____
 SUKURTSALA _____
 ZENBAKIA _____

URTERAKO HARPIDETZA 1.000 PZTA.

NATARROA

OINETZ-88



Lesaka

URRIAK, 9